

渝志 129

地 130. 155

339

21

朝邑縣鄉土志

民國四年孟春出版



朝邑縣鄉土志

邑人穆萼樓刊

朝邑縣鄉土志序

光緒丙子歲陝甘味經史夢軒師謂續曰觀爾師訓記閱讀書攻苦勝他人爲文不蹈恒蹊憂憂獨造可謂學有心得之士續驟聆此評惴惴焉弗敢當也乙巳館於馮翊郡主政古莘侯平階索觀著述甚力予謝之而婉辭焉謂我縣自有宋洛閩以來吾道大明士苟立志爲人則六經皆我註脚特患行之不力耳何用著述爲雖有之皆贅言也丙午館於邑之雙泉鎮適邑侯楊敬齋有編鄉土志之役同義文會閻錫侯諸友實慫慂之予三辭不獲已館設義學編始於中秋日終月卽十一朔歷史地理山水實楊子溫如所輯政績則李子榮初所輯兵事氏族道路宗教物產則續所輯耆舊戶口實業商務則王子仲如所輯朝邑縣全圖請重九趙子序閣繪之編成就正於懽齋馬院長是役也續不過草草應命耳著述云乎哉謄錄校字則有聶生錫類李生乾斌田生在書悉得備載

歲在柔兆敦牂嘉平月立春日鐮岡樵友朱續馨書於上城之養靜齋

朝邑縣鄉土志

朝邑縣鄉土志

在昔芮國今之鄉土謹記厓略從新述古

歷史

攷經史並羣志書互有同異只可互采

朝邑縣唐大歷三年置

朝邑之名雖創自西魏然唐初屢變故斷以是年

沿革表

朝代

統

部

本

縣

未

置

朝

邑

縣

以

前

唐虞

雍州

舜典肇十有二州治水作貢亦因其舊

舜始分爲十二州御批通鑑因之

夏

雍州

禹貢黑水西河惟雍州據晉獻河靖

地於秦然亦安知非晉之先吞秦耶即晉地疑仍屬雍州

朝邑縣鄉土志

商

雍州

商頌奄有九州之名與周禮禹貢皆不達

同疑是般制

周

王畿

詩柔序芮伯刺厲王卿士穎

春秋

襄王秦其河西地是時秦地東至河

芮國

韓志云殷周時爲芮國

南

芮伯國

欽定春秋彙纂有

芮故城在黃河西岸

王城

春秋左傳晉陰飴甥

杜注馮翊今在朝邑縣


十三年秦滅秦穆公


定三年王秦左傳秦桓公伐晉次於輔氏有

輔氏小城按城在今小伏波村



朝邑縣境全圖



縣界从  山从  原从  水从  沙从  局从 

五泉从  大路从  渡口从  縣城从  局从 

戰國

貞定王八年

威烈王十七年

安王十七年 魏御批通鑑出子獻公之亂晉復

顯王三十九年 秦御史記魏入河西地於秦

始二十六年 皇內史郡以臨晉懷德屬

高帝元年 塞國欣漢地志項羽滅封司馬

二年 河上郡 又封秦內史為渭南河郡上德

臨晉 史記秦厲恭公伐高大 按以臨晉國故名

臨晉元里 秦築臨晉元里

臨晉 大荔朝邑兩縣屬焉 南縣西

朝邑縣鄉土志

七年 內史 又改二郡

武帝建元六年 左內史 又分內史

太初元年 左馮翊 又改內史

新莽列尉大夫

光武建元元年 左馮翊 關中復置雍州後罷

獻安元年 左馮翊 詔分馮翊以東數縣為

本郡治臨晉 魏略

馮翊郡 復置雍州志 補

馮翊郡 雍州志 晉

武帝

監晉 改臨晉

臨晉

臨晉

臨晉

大荔 改臨晉元

東晉

元大興二年帝馮翊郡十六國志

大荔

武鄉朱廷模朝邑志云預於

釋例云馮翊臨晉東王城今名武鄉城

臨晉

改大荔十國疆域志

北魏

孝武後秦

太武帝馮翊郡雍州志地

神麟三年馮翊郡

真君元年華山郡寰宇記

七年澄城郡志地

孝文帝太和三年分澄城郡置白水郡澄城郡志

臨晉

五泉

華陰改臨晉寰宇記

南五泉改華陰分五泉志地置此

十一年澄城郡馮翊郡置華山澄城白水治李潤堡

地形志

朝邑縣鄉土志

三

西魏

孝明帝二年

改華州為東雍州

恭帝三年改華州為同州又地志

同州領武鄉澄城

澄城郡領三澄城元和志

朝邑改南五泉置

改為武鄉尋廢王兆龍志

隋

高祖開皇元年澄城郡仍隸同州

三年同州以武鄉澄城夏陽朝邑

朝邑

朝邑

煬帝大業帝馮郡同州志

高祖武德元年同州廢韓城白水復置此澄城下朝

朝邑

七年縣

三年同州

河濱析朝邑郃陽兩縣地

太 貞觀元年 同州
 元 天寶元年 馮翊郡 改同州
 肅 乾元元年 同州 改馮翊郡
 年 三

朝邑 省河濱 地志
 河西 府地志 改朝邑 隸河中
 置年

既 置 朝 邑 縣 以 後

五代
 代 大歷三年 同州
 太 祖 同州 隸永興鎮 領馮翊
 熙 天眷三年 同州 隸陝西 京兆路
 世 中統三年 同州 非立 陝西 行省 治京
 十 十六年 同州 為改 安西 路
 仁 皇慶元年 同州 為改 元安 路

改河西 地志
 朝邑 隸馮翊郡
 朝邑
 朝邑
 朝邑

朝邑縣鄉土志

四

明
 太 祖 洪武二年 同州 府 改奉 元路 為西安
 九 年 同州 行省 承宣 布政 使司
 雍 三年 正 同州 直隸 司
 清
 十 三年 同州 府 升 屬

朝邑
 朝邑
 朝邑
 朝邑

政績錄

晉 歐陽建字堅石渤海人爲政剛果甚有時譽人爲之諺曰渤海赫赫歐陽堅石
其真操如此

唐 劉幽求武彊人武后聖歷中舉制科中第後授朝邑尉神龍元年張柬之等舉
兵討武氏之亂而武三思復爲司空幽求謂桓彥範敬暉曰三思尙存公等
終無葬地若不早圖噬臍何及不從三思卒復亂唐殺五王景龍元年佐明
皇討斬韋后等立睿宗遂以幽求參知機務睿宗將立太子疑不能決求曰
除天下之禍者當享天下之福平王拯社稷之危救君親之難論功莫大語
德最賢無可疑者上從之郭元振坐法幽求力救其死卒爲名臣世傳幽求
墓在洿浴未之詳也

宋 鄭詒字正臣德安人仁宗時爲朝邑令會兵事起民力不堪詒按簿書裁度調
劑以均賦役而民得不困

朝邑縣鄉土志

五

陳堯佐字希元閩中人知朝邑有善政

元 吳珪字玉甫宜陽人至正十六年任朝邑尹廉正愛民在官九年德惠普施與
民相安遂占籍邑之平羅村後遷南鹵村家焉

明 劉道立字成己以進士成化十九年至任志稱爲政剛果立心平恕民無不悅
父老言道立任凡九年始終一節後徵爲御史歷陝西按察司僉事
蘇槃字德新以舉人宏治六年至任凡九年志稱廉謹不擾諸凡善政多所可
紀庶幾良吏厚遇學子月給燈油資夜誦每漏下偕門童步學舍稽勤惰近
所未有也

魏傑夏縣人以舉人正德五年至任志稱取與廉潔行縣不攜里長以市餅自
給渴則飲於途

許陳謨吳縣人正德九年至任單騎而來見事風生片言決獄號爲良吏

王道字純甫凌川人以正德十六年至任善緝盜因太陽諸里田圯於河白中

丞公議從輕額許其折布又朝邑爲孔道不任供送建白得以邵陽澄城夫馬協濟

郃相字立之澤州人以舉人嘉靖三年至任爲人廉謹自持事事有條愛民如子爲百姓調停不傷財不害民延名師教督諸生革除一切弊政尤不宿獄訟曲直立判上官數游揚以勵鄰封爲御史高翔特建表忠祠又爲劉烈女建祠其知大體類如此

歐思誠字純甫蘄州人以進士嘉靖十年至任才堪治劇法兩豪強故民稱曰西擒高漢東縛趙都風采凜然而害民者息焉

鄭三仁字商賢蒲州人以舉人嘉靖十三年至任道士華道益以灘田投獻王府委高同知行勘三仁疾其侵牟百姓且長投獻風密屬衆庶大譟而前肩同知與將沈之河三仁佯怒而解之比事竟田予百姓三之力也初三仁以接壤不受私謁里人服其至公河中疾其太執執持信難矣哉

朝邑縣鄉土志

六

劉尙義字伯正汾州人進士以御史嘉靖二十年謫任爲人簡淡純樸居官以靜治又執持不撓以縣城狹小於是拓東城四門起麗譙人享其利官至河南副使

任希祖字元孝蒼溪人以進士嘉靖二十四年至任爲人慈祥愷悌有節用愛人之風厚遇博士弟子員月爲程督多所造就又建白冢鎮堡至今爲世利政平訟理郃相之後一人而已初里人以過柔少之君子謂其嚴不立威寬不縱弛希祖有焉

畢仕和石首人以舉人三十一年至任潛心理學專務以德化民訟者聽其和解不肯剖決稍決一事款款動人又雪而卽雨屢雪輒效其誠一如此後轉調去實不持一錢蓋長者也

郭實字華伯高邑人以進士萬歷十一年至任爲人方嚴精敏發姦摘伏煥若神明大猾斂迹節里甲緩催科農民欣欣如也邑學舊無泮於是始作又修

學宮廣社學擇師以教子弟蒲人侵地千頃渡河釐正蒲人噪呼而至不爲動卒正其界縣以東沙積如堂阜遇風旋而蔽天幾不可田資口食令人覆沙漸成沃壤丁亥歲凶盜將起令行禁止一境肅然並祀程編修濟於高御史表忠祠更名雙忠增祀李張二烈女於劉烈女祀更名三烈刻邑紳王學謨所纂邑志至今考文獻者徵焉任六年擢御史邑之人如失慈母云

趙炳字虛白北直隆平人進士性寬平不尙威稜然事有害於民者爭之上官必得乃已往直指按同州供億派於五縣韓邵澄白直指不臨其境邑獨供之已重於州而又使貼州炳曰朝有役同無與今同苦而使朝肩之可乎力陳其不便遂罷之又議罷一條鞭法一條鞭者變一切里役諸法而盡以銀征其弊利官而病民炳詳爲議上之獨不奉行民受其庇後一條鞭法苛大爲民害人益服其遠識矣

謝如尙耒陽人以舉人繼趙隆平之後酌其寬而濟之以嚴懲姦護良一境清

朝邑縣鄉土志

七

肅有宦使者督織造於秦括取民膏檄下朝邑絲商若干家充行邑故寡絲質自吳蜀苟順其意數十家破產不止也如尙身撻其怒抗而不應又上官欲陷故保定通判某以屬如尙如尙曰殺人媚人壯夫不爲竟以忤上官意擠之罷去論者恤之然有愛在民久而彌思與郭趙二公同祠

羅任字幼衡光山縣舉人性機警精吏治能立解紛拏而端正潔白積穀罰緩不以奇贏自私擣伏如神剔蠹無少貸邑之稱神君必以羅公爲首他日量移知耀州州有顯者修府第役民民苦且怨任野服荷舂鍤往役顯者謝罪役乃寢其挫強恤民皆此類也王方伯于陞作去思碑謂其廉仁智斷勤信有六善云

楊紹震字景廉山東東明人萬歷癸丑進士爲政卓然不苟從來縣轄於州州人恃強凌虐縣人紹震因民請於上官求直隸府事雖不行而州禍從此息矣

王時英山西垣曲人以解首舉進士恤下傲上岸然自負而才足濟之侃侃而談旁若無人人無不改容禮重訟牒繁多應時立決雖急遽中動作從容聲譽大起調繁知長安迂者戲謂邑人曰公幸值下邑故能立名若到長安恐故步或失也及至則風裁卓卓加厲於朝論者以爲柔不茹而剛不吐惟公不愧自萬歷末迄今民間道好官猶稱王解元云

王喬棟字北愚雄縣人以進士天啟六年至任恂恂書生也善談名理慈祥愷悌時事棘民窮不忍於催科又雅不習趨承上官遂謝病去民遮留不得泣送載道鑄石以志遺愛後起復歷任至湖廣督糧參政遇難不屈而死

清 楊閔秦山東人順治時至任值兵戎興後民氣未蘇以簡靜廉愛與民休息督吏甚嚴皆悚然股栗畏服

羅人琮字紫蘿湖廣桃源人順治辛丑進士以齊波府推官改令朝邑康熙七年至任慈惠端雅念民疾苦力革宿弊時郵馬久爲民害詳請入廠官養巡

朝邑縣鄉土志

八

檢弓兵十二名隸潼關衛工食私派朝邑久沿爲例又請永革河衝荒地千餘頃糧額銀三千七百餘兩詳題蠲免皆得如請歲省民財不貲民呼青天甲寅滇黔逆變羽檄旁午處置有方民不至大困制府白公亟以廉幹獎之公餘課士所賞識者多登賢書詩歌古文聲馳當時與邑薦紳李河濱劉三峯唱酬爲多邑人謂德政文章我邑賢令推公第一內擢貴州道御史陳昌言字禹欽山陰人以例監生康熙十九年至任凡十年修舉廢墜學宮察院城隍及村鎮社學皆次第營構邑有大事則集衆詳議而後行故一切不至病民稍遷至信陽州牧以去

王兆鼈字東柱雲南甯州人康熙庚午亞魁四十三年由學正陞任廉明剛毅才優治劇纂修邑志加論跋初邑中差糧任里役催納沿弊滋多民力難支公創立三運擇鄉之公正者領之又令各運頭於每里舉里長一人經手完納諸弊盡息民受其澤後陞調河州知州去任時攀轅遮道至千餘人

永佑滿洲人慈仁簡靜愛民如子緩催科禮賢士凡有訟至必先令歸使其私爲解和如是者再乃爲聽斷誠心勸諭愷切指陳多自帖服兩造追悔以故胥吏蕭寂政簡刑清又邑有倉糧按年填換民甚苦之佑竟十年未嘗開倉不以領納苦民民爲肖像祀之卒於官樞歸鄉民泣送如喪父母民至今猶呼永青天焉

謝長清滇南人以進士道光七年至任廉能精敏勤政愛民甫下車剔革積弊緩征慎刑尤勤聽斷嘗潛出訪民間匪徒鼠竊者悉斂迹逃匿創修城內義學龍神祠養濟院捐俸千餘金更嚴於課士誠心訓迪不循故套士林奮興文風爲之丕振任朝邑兩次邑人攀轅遮道悉感荷深恩

黃照臨字碧川湖南人以舉人同治十三年至任廉勤潔敏政稍暇卽潛至鄉區視民疾苦創立友仁書院延名師教諸生嘗躬就學訓迪英才頗多聽斷明決兩造甫至卽爲理問有可原必曲原有可釋必釋之未嘗拖累病民民

朝邑縣鄉土志

九

是以不冤城內常平倉地卑溼麥易紅朽按年出換買補攤費民怨其苦公卽稟請藩憲以麥易穀籌定章程永免填倉外費至今頌揚不輟口

黃鶚字石臣湖南安化人以舉人光緒二年至任廉正清潔必集衆詳議要事而後行之省刑罰緩催科尤重紳耆丁丑歲大饑急爲籌賑救活生靈無算旋以荒地數千畝稟請上憲暫免差糧又黃河在邑境西徙已久嘉道後衝塌彌甚征賦加額民苦無可籲告前黃令擬請豁免錢糧事未竟調去公初下車力請豁免額銀六百餘兩實惠均霑故任朝邑兩次邑民深感戴焉

兵事錄

夏 后啟征西河

竹書 路史夏有西河國 按西河國卽縣境

周

桓王 十二年

秋秦師侵芮敗焉小之也冬王師秦師圍魏執芮伯以歸

春秋左傳

十八年

秋秦人納芮伯萬於魏

左傳

惠王 十七年

春虢公敗犬戎於渭汭

水道提綱渭入河 處卽古渭汭也

襄王七年晉陰飴甥會秦伯盟於王城左傳秦歸晉侯夷吾夷吾獻其河西地是時

秦地東至河史記

十六年晉侯潛會秦伯於王城秦伯誘瑕甥卻芮而殺之送衛於晉三千人實紀

綱之僕左傳

十七年秦伯師次於河上將納王左傳按河上即縣境

定王十三年秦桓公伐晉次於輔氏晉魏顆敗秦師於輔氏獲杜回左傳按今小伏波村輔氏城旁有交草村即老人

一結草處

簡王六年秦晉將會於令狐秦伯不肯涉河次於王城使史黶盟晉侯於河東晉卻

欒盟秦伯於河西史記

貞定王八年秦厲恭公伐大荔戎取其王城築高壘以臨晉國更名臨晉史記

威烈王十七年魏文侯伐秦又築臨晉元里史記

赧王二年魏秦會於臨晉史記

朝邑縣鄉土志

十三年秦及魏韓會於臨晉史記

漢高帝元年還定三秦賜周勃食邑懷德本傳按懷德在縣境

二年三月自臨晉渡河降魏王豹本紀八月韓信益為疑兵陳船欲渡臨晉而

伏兵從夏陽以木罌缶渡軍本傳

獻帝十六年馬超屯潼關曹公勅諸將關西兵精銳强悍勿與戰而潛遣徐晃朱靈夜

渡蒲阪津據河西為營魏志

晉哀帝三年苻堅自臨晉登龍門觀晉魏顆結草抗秦師處前秦錄

孝武帝太元十五年臨晉縣數千戶叛應姚懿姚紹濟自蒲津擊叛戶大破之晉記

西魏文帝大統三年東魏寇龍門屯軍蒲阪造三浮橋渡河文帝紀按蒲阪浮橋在縣境十月周太祖大破齊

神武軍於沙苑滑曲斬首六千餘級降者二萬餘人神武夜遁追至河

上復大克獲周書文帝紀按沙苑河上皆在縣境

六年二月柔然入寇詔諸軍屯沙苑以備之北史

北齊 齊將彭樂與宇文護戰沙苑樂飲酒乘醉深入被刺腸出納之不盡截去復入戰護兵遂敗

北周武保定四年帝 十月帝幸沙苑勞師本紀

隋高祖十六年 十月帝如長春宮本紀

煬帝十三年 唐遣陳演壽史大奈率步騎六千人趨梁山擊賊孫華等破之留戍永

豐倉本傳 按永豐倉在縣境九月戊午華陰令李孝嘗以永豐倉來降庚申李淵率

軍濟河舍於長春宮三秦士庶至者日以千數丙寅遣子隴西公建成

司馬劉文靜屯永豐倉本傳

唐高祖南過永豐倉是夜宿於臨晉洛渭合流之處渡於洛水上流苦於水淺

船行不進其夜三更天甚晴霽忽然覺水暴長數尺逆流而上船泛深

波得達津次乃命所司祀洛渭並有事於華山大唐創業起居注 按洛渭合流處在縣境

武德十二年 二月帝如長春宮獵於河濱免朝邑今歲租賦本紀

朝邑縣鄉土志

十一

肅宗至德二年 二月郭子儀及安慶緒戰於永豐倉敗之本紀賊安守忠壁永豐倉子

儀遣子吁與戰殺至萬級吁死於陣進收倉於是關陝道始通本紀

德宗興元元年 八月上命渾瑊駱元光討李懷光光遣其將徐庭光以精兵六千軍於

長春宮以拒之通鑑

貞元元年 馬燧渾瑊破李懷光於長春宮南遂掘塹圍宮城懷光諸將來降 八

月賊將徐庭光守長春宮本傳

太開平三年 四月車駕巡於朝邑卅府元龜

末貞明元年 帝 梁遣劉鄩攻同州晉遣李存審救之屯軍於朝邑五代史本傳

明嘉靖三十二年 北兵深入潼關兵使者張瀚移兵駐縣三月北兵去

崇禎十七年 逆闖李自成將至縣舉人雷于霖倡築泰安堡以避寇本傳

清咸豐三年 夏粵匪陷山西平陽初辦團練朝邑練勇防河府續志

同治元年 壬戌秋七月大荔花門變起洩忿鄰邑殺人如麻見男老稚不留而不

屑裹脅勝保軍敗績九月猝圍朝邑縣撲城至八晝夜邑令托克紳率民勇堅守孤城岌岌將危時參將王永慶派守朝邑縣城恃以無恐賊轉撲西關秦安堡至十餘日之久團紳雷五堃練民勇以兵法部勒堡人捍禦多方礮斃賊無算賊怒乃以全隊撲寨門門已焚矣火光燭天百姓急請王永慶來援永慶在城下立斃數十賊復合隊圍之永慶復躍登城上呼兵民揭脊獸屋瓦擊賊屋瓦幾爲之盡而城寨卒賴以保全者實王參將之力居多也後以將軍多隆阿來勦賊西遁邑城鄉稍爲解嚴

六年四月朔捻匪爲花門所誘突至本境僞燕王魯王等蹂躪村鎮破堡寨搜崖窰控地窰久處雙泉鎮利其有水草扎營六七日雖嗜殺不同於回賊而營盤至八十里之寬威逼婦女焚燬屋宇擄掠民人虔劉邊陲幾至四十餘日較回賊之殘虐殆又甚焉迨郭寶昌軍來掃蕩羣氛本

朝邑縣鄉土志

十一

境始一律肅清焉

耆舊錄

周

芮姬良夫

孔穎達曰芮伯周同姓國畿內諸侯爲王卿士

似述先世體國忠貞憂君無道悲發詩章見詩大雅

桑柔篇

隋

鉗耳文徹大業中爲恒山郡九門縣令邑人頌之爲立清德碑

唐

嚴譔字善思明天文善風角麟德中調襄陽尉親喪廬墓後擢監察御史武后

方任酷吏誅宗室貴戚大臣數百家以譔爲詳審使公直敢言平活八百五十餘人原千餘姓羅織黨爲之不振

申屠思恭事親居喪有孝行見呂昂所引唐書

嚴司業其名莫考天寶中擢宏文館生調參江陵府軍事以知永王璘有異志

免去後遷國子監司業有從祖姑世父母身沒絕嗣毀家護柩葬於其先塋時人服其義

安抱玉世居河西沈毅有謀尤忠謹安祿山亂守南陽斬賊使擢陳穎節度使
破史思明封涼國公諡昭武

元 王由義字仲方歷官至禮部侍郎初爲徽政院都事能抑內侍節浮費爲御史
屢有獻替抗章論衛士縱牧蹠民田由是行營無敢犯者

趙良明宏治中沮水習趙氏墓有石曰元皇慶二年旌表孝子趙良

郭均字叔平至正時由儒林郎尹郟旣去民爲立石頌德爲政重民務課農桑
開學延師教養子弟有害政蠹民與不率教者悉伏法一時訟簡盜息鄉村
樂與爲善引甘谷水溉田千餘畝常平倉粟至四千斛

明 高翔有文學矜名節洪武中以明經爲御史建文時尤戮力戎事激發忠義靖
難後文皇帝召翔翔喪服入見大哭語又忤旨遂族翔沒其產

程濟爲岳池教諭建文初上言某年月日西北兵起廷謂非所宜言遂下獄已
而兵果起赦以爲翰林編修充軍師初濟與高翔並以明經徵翔厲名節濟

朝邑縣鄉土志

十三

好奇術及有兵事濟勸翔學其術翔曰我願爲忠臣金川門破翔召濟同死
難濟曰我願爲智士建文急濟從亡每遇險幾不能脫賴濟力得免從行數
十年後莫知其所終

王良洪武中貢入太學歷官浙江按察使燕師入京聞之慟哭誓以必死會命
使召良良執使者將戮以徇忽衆譟奪去良悉收諸司印嗟歎久之妻問故
良曰吾分應死顧思所以處汝耳妻曰君爲男子乃爲婦人謀乎自投水先
死良遂積薪戶外閉家人毋得出抱印闔室自焚死

周或洪武中爲給事中彈劾無所避諸大臣見或著緋衣即取青衣爲待罪具
已而果有論刺遷通政使或有譖其貪者下獄竟死籍其家惟米數斗布衣
數件召訊其妻妻曰或自嗛不能盡忠故休不入家悉寄本司庫上察其清
忠立誅譖者以俸給或家命有司沿途致祭焉

楊恭洪武進士初爲刑科都給事當靖難兵起朝議命出師問罪恭疏言宜先